

佛說大乘菩薩藏正法經卷第二十七 瓊

西天譯經藏經卷第七十五 佛說大乘菩薩藏正法經卷第二十七 瓊 等奉 詔譯

精進波羅密多品第九之三

復次舍利子時諸天衆對彼童子復說伽陀曰

諸有貪著於欲樂 一切境界無出離

經七

由愚癡故非正理 當墮地獄惡趣中

若於正道求出家 應捨受用諸欲境

彼能開示諸正理 是名世間相應者

舍利子時彼童子對諸天衆復說伽陀曰

我今為汝天衆說 汝於正道未能知

如是相應真正理 當說令汝悉解子

爾時童子說是偈已與諸大衆俱時往詣毗

婆尸如來所到已頭面禮足右遶三匝却住

一面瞻仰毗婆尸如來目不暫捨是時童子

心大歡喜說伽陀曰

具足三明施甘露 能為世間作善利

稽首龍象師子王 是故我今常讚禮

佛智光明甚希有 猶如日月照世間

亦如優曇花出現 堅固安住妙色相

世間有情多重障 於佛聖道不能知

猶若生盲愚癡人 不覺墮於險惡道

願我當來成正覺 猶如毗婆尸世尊

令諸有情離衆苦 滅三毒火得清涼

又令無量諸有情 隨我廣發如是願

聞佛演說最上乘 悉得開示菩提道

爾時童子說是偈已又作是言南無毗婆尸

如來應正等覺善說法要時八萬四千俱胝

人衆亦作是言南無毗婆尸如來應正等覺

善說法要如是三歎終而復始願我當來皆

得成就正等正覺如毗婆尸如來善說法要

爾時毗婆尸如來知彼童子及八萬四千俱

胝人衆堪住授記即現神變於其面門放大

光明名決定勝其光復有無量種種色相所

謂赤白紅頰胝迦金色等如是色相普徧無

量世界洞然照耀上徹梵世至色邊際日月

光明悉皆曠蔽其光復來至佛頂上右旋宛轉遶百千匝忽然不現舍利子時毗婆尸如來有一親侍苾芻見佛神變光明事已即從坐起整衣服偏袒右肩右膝著地合掌向佛瞻仰尊顏以偈問曰

毗婆尸佛大希有

親七

於諸聖中量尊聖

我今啓問善逝尊 何因緣故現光明

爾時苾芻復白佛言世尊以何因緣現大神變放是光明唯願如來大慈哀愍為我除疑敷演斯事復有無量百千人衆現住佛前願樂欲聞我等志心懇懃諦聽為諸有情慈悲開示如來大悲為世間眼救護一切如諸舍

宅覆蔭一切唯願如來大慈憐愍斷除疑網而諸有情過去未來現在所行想念一切行業及諸疑惑如來於彼無不了知又諸佛刹所有有情於三世中一切智慧言語差別如來於彼無不通達如來為諸法王具足八種言音於說法中皆得自在以何因緣現大神

通放是光明唯願如來斷除我等一切疑網及一切憂悲苦惱悉皆斷滅我等今者如是三請一心專注合掌恭敬願樂欲聞舍利子時毗婆尸如來語彼親侍苾芻言汝見此童子於我前住合掌立不唯然善逝我今已見佛言苾芻今此童子於往昔時已曾親近稱

讚恭敬禮拜復以衣服卧具種種湯藥供養八萬四千俱胝那由佗佛種諸善根為求成就正等菩提常脩梵行佛言苾芻汝又見是八萬四千俱胝人衆於我前住合掌立不唯然善逝我今已見佛言彼諸人衆於過去世皆悉曾為童子父母生生無不從之教化發

親七

三

心於後後世願皆不受女子之身皆能隨順脩習同發阿耨多羅三藐三菩提心我今為彼授作佛記以是因緣現大神通放是光明爾時毗婆尸如來為彼親侍苾芻及諸人等說伽陀曰

汝見現前諸大衆 隨於童子悉來集

八萬四千俱胝數 一心專注聽我說
佛說法中得自在 我今親語汝苾芻
我知童子多劫中 親近供養於諸佛
復於無量諸佛所 志心堅固求出家
脩持最上清淨行 復能利樂天人眾
又此現前諸大眾 八萬四千俱胝數

生生昔曾為父母 教化歡喜常無間
復於往昔無數劫 廣發無邊諸大願
世世悉皆為父母 同求無上大菩提
如是安住離生死 應當隨我共脩學
志求無上妙菩提 我今為彼親授記
彼等決定成正覺 是故我現大神通

我能盡令汝心中 行住坐卧無疑惑
汝等天龍及人眾 那由佗數在我前
同聞為彼親授記 不久當成二足尊
舍利子時彼童子聞佛授記歡喜踊躍速疾
往詣到父母前發誠實語說伽陀曰
如是八萬四千眾 往昔皆為我父母

俱時同發菩提心 今日父母復如何
舍利子時彼父母而為童子說伽陀曰
如汝所說諸人眾 各各已發菩提心
我今歸依一切智 與汝發願無有異
如是進求究竟道 汝今身是我所生
與汝同發真實心 願得菩提果成就

舍利子時彼童子為自父母復說伽陀曰
我若最先得成佛 誓與一切悉開示
願我父母諸人眾 共成無上大菩提
復次舍利子時毗婆尸如來為彼童子及諸
人眾發如是言我今為汝授作佛記勿生疑
惑善自安慰勿復異見所以者何汝於往昔

為大自在天子我於彼時已曾為汝授作佛
記過是已後經俱胝那由他劫不墮惡趣又
過俱胝那由他劫於彼轉輪聖王族姓中生
得成爲佛名曰大悲如來阿羅訶三藐三佛
陀具大名稱父名淨飯離諸暗鈍母名摩耶
離諸憂惱其子尔時亦如我子字羅睺羅出

現世已求成阿耨多羅三藐三菩提於菩提道既成就已其佛壽命滿十萬歲彼佛光明普能照耀十萬踰善那國土彼世界中一切有情有緣無緣悉皆承佛光明照觸時佛光中有百俱胝那由他俱胝百千那由他俱胝大聲聞眾皆來集會復有一俱胝眾皆是大

阿羅漢具足白法諸漏已盡無復煩惱心得自在具八解脫得六神通舍利子如是大阿羅漢皆來集會復有無量大菩薩眾皆來集會復有彼佛往昔一切父母亦來集會時大悲如來說法教化無量阿僧祇有情皆住不退轉地於諸有情作善利已即於是時入般

涅槃正法住世一俱胝歲彼佛舍利於諸世間廣大流布如我滅後流布舍利等無有異舍利子說是語時諸有正士發起勇猛廣大精進而起尋伺觀察世間利樂有情心無退轉復有菩薩摩訶薩發起正念轉復增勝心無間斷志求阿耨多羅三藐三菩提如是經

魏七

五

於無量阿僧祇劫願於生死流轉之中化利有情求佛菩提舍利子我於彼時亦發是願盡生死際被精進鎧化利有情圓滿一劫精進行願勇猛精進心無退轉願成菩提復次舍利子云何菩薩摩訶薩不退勇猛精進若菩薩摩訶薩行不退勇猛精進行時設見三

千大千世界滿中火聚為求如來正等菩提應當發起勇猛精進入是火中而能安忍不生懈倦彼諸菩薩聞是法時即得超越圓滿一劫精進行願又諸菩薩聞是法時於不退轉勇猛精進即得增長無量善根復次舍利子若菩薩摩訶薩行不退轉勇猛

精進時而為利益一切有情求證涅槃純一無雜常住堅固於善不善起大悲愍於諸有情行相應行復次舍利子菩薩摩訶薩當行勇猛精進悉無懈怠於一切處舉足下足常不離於菩提之心觀諸三寶常在目前亦不棄捨一切有

情亦不隨順一切煩惱

復次舍利子菩薩摩訶薩當行勇猛精進悉無懈怠於已生未生諸善根力悉令回向菩提正道復令善根增長無盡舍利子譬如百川流注大海其水無盡今此善根回向菩提亦復如是無有窮盡是故說名不退勇猛精

進復次舍利子菩薩摩訶薩當行不退勇猛精進之時悉無懈怠於諸正行一切智智積集善根復能利樂一切有情是故說名不退勇猛精進

復次舍利子我今略說菩薩摩訶薩乃至一切有情所獲福蘊乃至有學無學聲聞緣覺

所獲福蘊不及如來一毛端量所獲福蘊何況如來徧身毛孔所有福蘊爲由如來於無量劫積集脩行廣大福蘊設有廣大積集福蘊如實行相百分千分不及如來一大人相何況如來一切相好又諸福蘊不及如來眉間白毫一珂月相何況百千匝中所有功德

魏七

六

又諸福蘊不及如來一無見頂相何況如來大丈夫相乃至烏瑟膩沙諸根相好出生百千俱胝所有功德又諸福蘊不及如來大法螺音一說法相何況如來廣大法音普能徧滿無量世界令諸有情諸根調適皆生歡喜隨其勝解得善調伏於如是難得阿耨多羅

三藐三菩提應生知解如是菩薩於無量世界隨學如來發大音聲普令有情悉皆得聞被精進鎔發堅固意樂習菩薩不退勇猛精進之行

復次舍利子菩薩摩訶薩脩精進行時而無退屈假使普令三千大千世界一切有情具

足成就勝解智力若諸有情於此菩薩藏正法隨順成就具足智力比前功德百分千分百千萬億分乃至烏波尼殺曇分不及其一以要言之如是三千大千世界一切有情悉令獲得須陀洹智力斯陀含智力阿那含智力阿羅漢智力又今獲得十信十住十行十

回向不退轉地智力一生補處菩薩之位乃至廣說無量世界一切有情普令獲得一生補處菩薩智力若諸有情於如來無分別及有分別智力等如是聽已不驚不怖當於彼時次第樂欲甚深智力比前功德百分千分百千萬億分阿僧祇分乃至烏波尼殺曇分

魏七

七

不及其一而菩薩樂欲發起勇猛精進寧棄身命頭目髓腦一切支分於如來智力不樂暫時間斷脩習如是棄捨勇猛精進我說是名菩薩不退精進之行
復次舍利子菩薩摩訶薩應當如是脩學不退轉地乃至發起一心徧入過去未來現在

一切有情無量無邊心行差別若諸有情具足充滿貪瞋癡等一切煩惱而復回入菩薩之心是時菩薩以智慧力譬喻言辭種種推求如是發起勇猛精進見是色相一切有情貪瞋癡等之所燒煮是時菩薩以諸方便普令止息一切苦惱如彼灰燼散滅無餘復今

脩習趣涅槃道我說是名菩薩不退精進之行復次舍利子菩薩摩訶薩脩不退精進時所謂身作業善語作業善意作業善乃至所有一切精進波羅密多皆悉不離身語意業之所脩習然於三業發生精進意為最勝云何意業精進最勝謂無分別及有分別云

何無分別謂菩提心云何有分別謂於一切有情起大悲心云何無分別謂於忍智悟無我理云何有分別謂能攝受一切有情云何無分別謂雖能攝受一切有情而無取相云何有分別謂厭離輪迴無分別者謂於三界都無所得有分別者謂諸有財寶隨樂捨施

無分別者謂於布施無取於相有分別者謂於持戒有所積集無分別者謂於持戒不取於相有分別者謂安受苦忍無分別者謂於剎那心無所住有分別者謂能發起諸善根法無分別者謂常靜慮有分別者謂於禪定有所積集無分別者謂心常決定安住不動

有分別者謂脩聞慧而無厭足無分別者謂於內心專注善巧有分別者謂於聞慧廣說諸法無分別者謂於法性都無記念有分別者謂於智慧有所脩作無分別者謂於諸法離諸戲論有分別者謂於諸梵行積集脩作無分別者謂於諸慧性悉能棄捨有分別者

魏七

八

謂於五神通而能圓滿無分別者謂盡諸有漏有分別者謂於觀想而常思惟無分別者謂於內心而常正念有分別者謂於四正斷悉能巧妙無分別者謂能超越一切善根有分別者謂著文字相欲求出離無分別者謂於廣大福報普徧無相有分別者謂於諸有

情善達根宜無分別者謂善能觀察諸善根法而無所得有分別者謂於諸力有所脩習無分別者謂於是處無所損壞有分別者謂能出生菩提分法無分別者謂於諸法離分別智有分別者謂於正道而能求進無分別者觀諸神變猶如虛空有分別者謂於定門

而能積集無分別者謂住奢摩佗而唯一境有分別者謂於毗鉢舍那而有積集無分別者謂善人法性有分別者善能入解諸因緣法無分別者謂善能了知非因緣法有分別者謂著勝義聲故無分別者謂行正法行故有分別者謂莊嚴法身無分別者謂於法身

離諸莊嚴有分別者謂莊嚴語言無分別者謂依諸聖能常寂默有分別者謂依三解脫門而生樂欲無分別者謂無增上我故有分別者謂能遠離四種魔事無分別者謂能棄捨煩惱習氣種故有分別者謂能善解巧方便故無分別者謂於智慧如實知見有分別

魏七

九

者謂離攀緣有所見故無分別者謂離超越見故有分別者謂有想念見無分別者謂意業見此說名為意業精進於精進中最為殊勝我說是名菩薩摩訶薩脩不退轉精進之行復次舍利子如是菩薩摩訶薩行不退轉精進行時行是五種最上極妙之法速疾證

得無上正等菩提云何五種最上極妙之法
一者而常思念佛出於世二者而能親近諸
善知識三者而常值遇好時四者而常積集
諸善根法常令堅固五者隨學菩薩摩訶薩
其足戒品而得圓滿是名五種最上極妙之
法由是菩薩速疾獲得阿耨多羅三藐三菩

提尔時尊者舍利子重白佛言世尊若諸菩
薩離此五種最上極妙之法得成阿耨多羅
三藐三菩提不佛言舍利子若諸菩薩不常
思念佛出於世不能親近諸善知識若不值
遇好時不能積集諸善根法不令堅固不能
隨學諸菩薩摩訶薩具足戒品而不圓滿如

是遠離五種最上極妙之法不能速疾獲得
阿耨多羅三藐三菩提違而得者無有是處
舍利子云何在家菩薩遠離五種之法所謂
如王家臣住大衆中恃其威勢恐怖多人又
語衆言我能爲汝作種種事但以欺誑而實
不作乃至如是安住虛誑語言等事舍利子

由是虛誑不能得生諸天善趣如是行相亦
不能得值遇好時舍利子又此行相在家菩
薩唯自具足資養等事不能利他亦復不能
值佛出世乃至不能速疾得成阿耨多羅三
藐三菩提

復次舍利子又在家菩薩住城邑中有諸障
難而常燒惱云何城邑有諸障難舍利子有
諸如來出世成等正覺爲諸天人阿脩羅等
說法教化初中後善其義深遠其語巧妙具
足清白梵行之相及四部衆圍繞恭敬雖復
親近供養禮拜苾芻苾芻尼優婆塞優婆夷
然彼聚落城邑巷陌舍宅人民國王大臣長

魏七

十末

者居士悉住其中由是因緣不能具足清淨
戒蘊我說是名城中障難若在家菩薩如是
樂著五欲不能思念佛出於世乃至不能速
疾得成無上正等正覺

復次舍利子在家菩薩而自宣說現行法律
復多障難所謂父母男女妻妾奴婢姊妹兄

